

Zapalilo se pet nezaposlenih Marokanaca

19 Jan 2012 Izmijenjeno 18:04 CET

Zvanična stopa nezaposlenosti u Maroku iznosi 9,1 posto, dok se kreće oko 16 procenata kod kategorije tek svršenih studenata



U Maroku se održavaju protesti zbog nedostatka radnih mjesta, posebno za mlade svršene studente [AFP]

Peterica nezaposlenih Marokanaca su se u četvrtak zapalila u prijestonici Rabatu, u sklopu široko rasprostranjenih demonstracija koje se održavaju u zemlji zbog nedostatka radnih mjesta, posebno za mlade svršene studente, izjavio je aktivista Marokanske asocijacije za ljudska prava Jusef al-Risuni. On je dodao da su trojica muškaraca zadobila teške opekotine, zbog kojih su hospitalizirani, i da su dvojica u teškom stanju, dok je preostaloj dvojici samo oštećena odjeća, prenosi AP. Muškarci koji su se zapalili pripadaju pokretu "nezaposlenih svršenih studenata", koji su tokom protekle dvije sedmice okupirali zgradu ministarstva visokog obrazovanja.



Protesti nakon čina Mohameda Bouazizija [AFP/Getty]

Pristalice su im do prije dva dana donosile hranu, kada su ih snage sigurnosti spriječile u tome. "Vlasti su ih sprečavale da prime vodu i hranu i peterica njih je izašla iz zgrade da bi uzeli hranu i zaprijetila da će se zapaliti ukoliko ih spriječe u tome", rekao je Al-Risuni.

Zvanična stopa nezaposlenosti u Maroku iznosi 9,1 posto, dok se kreće oko 16 procenata kod kategorije tek svršenih studenata.

Samospaljivanje je tokom prošle godine postala borbena taktika koja se često koristila tokom protesta na Bliskom istoku i u Sjevernoj Africi. Decembra 2010. godine prodavač povrća Mohamed Bouazizi zapalio se iz očajja jer mu je policija oduzela radnu dozvolu. Umro je tri sedmice kasnije, a njegov potez izazvao je velike proteste i doveo do svrgavanja predsjednika Tunisa Bena Alija i pokretanja protesta širom regiona poznatih pod nazivom "Arapsko proljeće", u kojima je uzdrmano nekoliko diktatora.

Izvor: Al Jazeera